



Орган Лемковского Союза.

Выходит в каждый четверг.

Редакция и администрация в Крыници. — Адрес „Лемко“ Крыница.

Купуйте календар Лемка!

Великий, 184 сторон лрүку обнимающий календар, заосмотреный многыма иллюстрациямы, містит добре оброблену часть информации и много материяла с ншого селского жита. Календар тот подае также дуже материяла с господарства, о кормленю живины, стосованю штучных навозов, годовлі коней и овец и т. д.

Подае описы лемковских сел и відомости с давной минувшости.

В календарі ест поміщене кубиковане округлого дерева и много практичных рад.

Календар Лемка повинен находити ся в каждой лемковской хыні.

Ціна 50 гр. Замавляти в администрации газеты „Лемко“ в Крыници.

Дальши алярмы и жалі українских газет по поводу лемковского епископства.

Основане окремого епископства для Лемковщины и назначене Апостольским Администратором о. Д-ра Василия Масцюха не дае дотепер спати редакторам украинских газет, а специально газет перемыских, бо тых найвеце сердце болит, што власть епископа Кецыловского на Лемковщині ся скончила.

И так „Наша Земля“ (супільно-політичний орган Перемыської Волости) до справы той повертат в каждом числі. В числі другом от 20. січня 1935. агадуе о принятю, яке устроила о. Д-ру Масцюху львовска Сгавролигия и наводит слова, які сказал о. Д-р Масцюх, што если начиеме всі дружно трудити ся, тогда все верне ся до давного и зас все стане Русию, як было до войны.

Тоты слова барз непокоят украинско-ундовского редактора и он запытуе ся под адресом о. Д-ра Масцюха, котру Русь мал он на гадці, ци „московську“ ци святу кыівеьку Русь, що привела на світ українську національно-політичну ідею.

Мы не можеме отвічати за о. Д-ра Масцюха и не знаме, котру Русь мал он на гадці, а хочеме лем припомнути украинскому редактору, што не в Києві и взагалі не в Киевской Руси увиділа світ божий украинска національно-політична идея, лем у Відни родила ся, а в Берліні крестила ся. Соттамаль доперва пересаджено ю на галицку землю и тут выкормлено идею украинского национального и политичного сепаратизма.

А што в Києві идея тота барз слаба, доказом того статья Д-ра В. Загайкевича в третьем числі газеты „Наша Земля“ под заглавиєм „Великі Роковини“, в котрой наведено,

што лем три дні в січні 1918. держала ся в Києві Украина, така, яком хотіли ю мати наши галицки сепаратисты, а пак знова появилась ся на пару дней в січні 1919. року и на том судьба и карьера ей скончила ся.

Ци не лучше было бы, если бы редакторы „Нашой Землі“ вмiсто задавати питання о. Д-ру Масцюху и вмiсто непокоити ся тым, што он мал и має на мысли, застановили ся над тым, чом не могла удержати ся „самостійна Украина“ в Києві?

А если догупают ся в своих головах, чом так было и ест, тогда може и зрозуміют што, и у нас ніг місца на украинский сепаратизм и што мы совсем не вздыхае до „самостійной Украины“.

Ище веце интересное содержане деписи в числі третьом „Нашой Землі“ под заглавиєм „Спільна служба“.

Автор деписи почул неожиданно страшну любовь де Церкви, но не до Церкви Христовой, а до Церкви „самостійной“ — значит до Церкви украинской.

Но одночасно автор занепокоил ся, бо „історична дорога, якою разом йдеме непевна. На наших очах непокликані чинники вдаряють у самостійність нашої Церкви в її права і то так зручно і з такого боку, що їй самій важко, а деколи майже неможливо боронити ся. Бувает, що наші гієрархи і духовенство, а також католицькі хсч і українські організації не можут промовити, помиме того, що вони свідомі тих загроз, що криют ся за гушавиною убійчих для нас чужих заміслів і плянів“.

Ввиду того автор радит, штобы світскы

„угрупованья“ станули в обороні „самостійности“ украинской церкви и для того ради угрупованья такы основувати и барз хважит собі „святю“, то значит торжество „Українська Молодь Христові“ во Львові в вересні 1933. коли то „непроглядні ряди українського юнацтва стрункою дефілядою складали поклім нашому найвишшому церковному зверхникезі Високопреосвященному Кир. Анїреєві —тоді находився біля Нього—нарочно до цього Ним призваний —голова Українського Національно-Демократичного Обєднанія Д-р Дмитро „Львицький“.

Сказано барз много и интересного и нового.

Можеме лем домислити ся, [кто ест тоты „непокликані чинники“ котры ударяют в самостоятельность украинской церкви.

Если поза Папским Нуцием автор мах на мысли наше Правительство, то барз ся мылит, уважаючи его за „чинник“ незванный, то значит некомпетентный.

Всяка церков существует в меджах державы и держава не може депустити до того, штобы в ей меджах существовала организация оперта на основах насиљства и несправедливости. А таком стала ся гр.-кат. Церков от поры, коли на Ей епископских престолах сидят не заступники и наслідники апостолов, а гайдамакы с выстроеныма нежами.

За много помагат и охранят держава каждую церков, штобы могла спокойно смотріти на тоте, як организация церковна перестает быти церковом, а стає огдищом анархии и шовинистичного фермента.

А же по всему тому, до чого дошло в уніятської церкви єрархія не могли супротивлятися основанню лемковського єпископства, то річ також повятна.

За много доказов шовінізму, подітканства і ненависті в уніятській церкві, особливо в повоєнний часі, шобмог тому хто вибуде заперечити.

Найвеце однак цікаве єст все тото, што пише автор о торжестві „Українська Молодь Христові“.

Вшиткы памятаме, є яким шумом і розмахом організувала українська єрархія, а под єй давленем і ціле духовенство по случаю ювілейного 1935. року тото торжество, яко торжество в честь Христа Спасителя.

Всі памятаме, же не лем читальні і кооперативы слали своїх делегатів, але і всі церкви сельскы мусіли давати гроши на высылу „молоді“ і старых лямполізів на торжество і не одна сотка злотых пропала на тоту цінь і из лемковскых церковных кас, а все тото, стало ся на тото, шобмо „непроглядні ряди“ зложили поклон Дмитруневи Левицкому, котрый стоял поруч митрополита Шептыцкого—нарочно до тото ним призваний.

Выходит отже, што торжество тото носило лем фирму Христа Спасителя, а в дійсительності должно было звати ся не „Укр. Молодь Христові“, а лем „Українська Молодь Ундові“.

Комунистична рухавка в Парыжі.

Дня 6. лютого, в рочницю прошлорочної рухавки во Франції наплывало с околиц Парыжа дуже манифестантов до центра міста.

Автобусы, трамвай і подземельна желізниця, ідучи па Площу Згоди, были переполнены. Дуже манифестантов приїхало до Парыжа поїздами.

Поліція, приготовлена на тоту манифестацію, потрафила ю здавти, причом арестовано понад 1200 люда. При задержаных найдено в часі ревизии, оружє, палкы, шматы, намочены в бензыні і т. д.

О годині 1-ой в ночи, около дворца президента республики французской полиция арестовала 40 комунистов, при котрых найдено револьверы і штылеты.

Со стороны демонстрантов упало килька стрілов до полиції, але не ранено никого.

Ревизии и аресты в Болгарии.

Дня 6. лютого предприняла политична політична полиция болгарска акцію против комунистам. В послідных часах проявляла ся оживлева діяльність комунистов в місті Габрово, в полудневой Болгарії. Там то переведеро понад 100 ревизии і арестовано 82 комунистов.

На основі показань одного с арестованых удало ся полиції отнайти кривку комунистичного діятеля Кабактева. Коли инспектор полиції с одним агентом вошли до помешканя Кабактева, тот шмарил ся несподівано на них со штылетом, убил их обох і утек.

Обнижене опроцентования от незаплаченных податков.

Дня 7. лютого т. р. отбыло ся под председательством президента министров проф. Козловского заседание рады министров, на котром переведено подробну дискусію і ухвалено проект нового закона о грунтовом податку.

Проект тот вводит новы способы класификации грунтов і установляет основы тарифы грунтового податка. Проектований закон не змінат загальної сумы дотеперешного выміра грунтового податка, лем вводит отмінне розложене тото податка, при котром має ся брати под увагу класификацію грунтов.

Рада министров ухвалила также обнижити процент от незаплаченных податков і так: 1) от податков розложених на раты до 0.4 процент і 2) от вшикких инших до 0.75 проц.

Ухвалено также змінити дотеперешный закон о оплатах стемплевых і впровадити ряд льгот в торговельных оборотах.

Безработным позволяют работать.

До тото часу было так, же безработный, котрый поберал запомогу, не мог наняти ся до ниякой, хоцбы короткый час треваючої работы, бо зараз тратил запомогу. Запомогу тратил аж і втотчас, коли задармо хотіл помочи дакому в работі.

Тепер наступила зміна. Безработны можут робити і если достанут роботу, за котру поберают плату не вышшу от половины, выплачованой им безработной запомоги—не тратят прав до браня запомоги с Фонда Безработя.

Новый податок.

Ухвалений уж податок школьный, котрый мало ся платити в высоті зависимой от числа комнат, о чом доносили мы в попередных числах Лемка, перечеркнено. Данины школьной в такой конструкции не буде.

Буде однак вызначена в р. 1935. надзвычайна данина маєткова, котра має быти обчислена і платна в трох контингентовых группах.

С першой группы: 1) платники, котры платят грунтового податка 25—60 зл. рочно, — платят тоту данину в двох термінах: до конца квітня 1935 мусят влатити першу рату, котра выносит 11 проц. грунтового податка, а другу рату до 30. листопада 1935, по одержанню выміра той данины.

2) Платники, котрых грунтовой податок выносит понад 60 зл. рочно, платят до конца квітня 1935 р. 22 проц. грунтового податка, а другу рату до 30. листопада 1935 р.

Платники другой, контингентовой группы платят цілу данину в терміні до 30. червня 1935., а платники третьей контингентовой группы до 31. серпня 1935. р.

О высоті зачетов повідомляють уряды (скарбовы платников писемно до 15 квітня 1935., а наказы заплаты цілої данины будут доручены платникам I шой группы до дня 15 листопада 1935., — платникам другой группы до дня 15. червня 1935, а платникам третьей группы до дня 16 серпня 1935.

В случаю дорученя наказа заплаты позднійше, заплата данины, або раты, має наступити

заплата в продолженію 14 дней по горученію наказа заплаты. Праву рекурсу прислугує в продолженію 30. дней от дня дорученя наказа заплаты.

Заряджене тото обовязує от 30. січня 1935, р.

Совіты зносят приватну власность.

Совітскы газеты поміщають заявлене в справі зміны конституції Совітского Союзу, зложене через секретара Совнаркома, Ен. Кидзи, котре містит в собі барз цікавы подробици.

Нова конституція обнимат тоты зміны, котры переведено без згоди конгреса Совітов, як н. пр. зміну выборчої ордынації, перемену Г.П.У. в комисаріят внутренних діл і утворене комисаріята апровизации і зграницной торговли.

Найважнійше однак єст заявлене Енукідзи, в котром тот заповідат цілковите зничене приватной власности. Поза тым нова конституція усуват соборны правленя в нагодных комисаріятах, а на их місце будут євденны правленя о личной ответственности.

Паша, до котрой звірята не привыкли, шкочит им.

Найліпша і найсвіжша паша може звірятам пошкодити, если звірята до ней не привыкли. Конь, котрый николи не іл жита, або ячменя, вагло накормлений житом, або ячменем, напевно росхочує ся. Таксамо стане ся с быдлятом, котре не іло ище николи коничу, коли выпустиме єго на конич і коли нажре ся досыта. Тому то газда мусит все уважати на тото, же до каждого нового корма треба быдлята привыкати поволи, додаючи по кус нового корма до давной пашы. Относит ся тото не лем до такого корма, котрого звірять не іло николи, але также і до тото, котре іло уж давно, бо кормовый канал отвык уж от травленя тото корма і мусит поволи аєс до тото привыкнути.

Паша, от ідженя котрой быдлята отвыкли, дійстує таксамо, як паша нова. Видиме тото каждого року при переході с зимушной, ставенной пашы на пашу зелену, пасовискову. В зимі быдля достає пашу сухшу, о малой вмістимости воды і меншом обемі, котра має температуру стайні. Тоту пашу достає в певных, ставных отступах часу. До такой пашы стоеує ся жолудок быдлят, он корчит ся, а сокы доходят до жолудка обильнійше лем в том часі, коли звірята кормиме. Коли выганяме быдлята на пасовиско, змінат ся вшитко. Быдля, зголодніле свіжої пашы, шмарят ся за ньом, перепыхат жолудок воднистом, тяжком, о значном обемі пашом, котра часто рано єст студена. Тота паша єст мало поживна, быдля спасат єй дуже, пасучи ся цілый день. Діє ся отже вшитко иначе, як в зимі і выкликує часто у звірять забуреня жолудковы. Шобмо до тото не допустити, треба постепенно привыкати звірята до нового корма. Робит ся тото таким способом, же перед выпущенем статку на пасовиско дає ся быдлятам молодой конич, змішаний с содомяном січком. Добре єст і позднійше, через ціле літо, давати быдлятам по кус сухой пашы, бо тото улекшит в осени переход с пашы зеленої на суху. На пасовиско выганяме быдлята аж втотчас, коли трава подросла. Уникаме таким способом прошлорочної, спліснїлої, на половину согн той травы.

Рідка okazия.

Лем оден раз выступит

**мішаний хор чит. им. М. Кач-
новского**

в Крыниці селі

**с концертом региональных
пісень,**

котрый отбуде ся

дня 16 лютого т. р. о год. 20.

в селі концертисй

Здорового Дома

в Крыниці-Здрою.

Хором управлят знаный в широких музыч-
ных кругах

дыригено-композитор

г-н Ропицкий.

Участники хора в

лемковских нарядах.

Кто хоче мило провести час и переконати
ся, якы результаты дае в коротком часі сы-
стематичный умілый труд, нехай завчасу за-
пасе ся билетом, котры в ціні от 1—4 зл.
можно достати в sklepі

**Качинского в Крыниці-Здрою
(Дептан).**

Дбайме о луку и пасовиска!

Наши господары цінят сіно. Они знают
о том, же добре сіно, то найліпший корм
для быдлят. Пемимо того однак дбают мало
о луку и пасовиска. Навет добрый и запо-
бігливый господар, котрый газдуе на загал
добре, управят и навозит орны поля, сіе ду-
же кеничу, мішанок и окоповых, отже такый,
котрый здае собі справу, яку вартость має
паша для гочподарства, не дбат о тоты при-
редны терены пашны, якими сут луны и па-
совиска. Бе, же там ктоси часом выйде на
луку, с боронами и на яр ю кус подрапе, же
выгребе кус моху, або посыпе попелом, таке
трафят ся часом. Але жебы господар по-
мыслил о том, же с луку той бере каждого
року траву и тым самым выявляют луку, а на
тото місце нич не дае, то у нас ище явлене
барз рідке.

А преця вшиткы краи, в котрых годовля
звірят стоить високо, котры мають знаны по-
роды коров, коней и овец, дбают передовсем
о луку и пасовиска. Господар тых краев

скорше занедбат орне поле, не буде наво-
зити его штучныма навозами, але николи не
забуде о навоженю лук и пасовиск.

У нас с лук абераме смішне мало сіна, бо
с 1 морга ледво 5 до 10 соинаров, а могли
бы мы мати его значно больше, если бы на-
ши луки были рационально навожены.

Як в господарці орного поля, так и при
луках и пасовисках основным навозом ест
навоз стаенный, отже добре перегнитый, дроб-
ный гной, гнояница и компост. Навозы тоты,
ростелены на луках и пасовисках, дают почві
через вполкане не лем потребны кормовы ча-
сти, але также депроваджают до землі малы
существа, званы бактериями, котры робят
землю уроджайном.

Коли ніт стаенного навоза, втотчас мусиме
засидати луку навозами штучныма. При на-
воженю штучныма навозами потреба [высіяти
на 1 морг 100—150 кл. азотняковой суперто-
масыны и понад 200 кг. кайнита. Лука за-
силена таким способом азотом, фосфором
и потасом в отвітной формі, даст не лем
больше сіна, але того сіно буде ліпше, живи-
нійше, котре быдлота выкористають совсем
иначе, як о малой вартости зела, котры рос-
кут на яловых луках.

При навоженю лук и пасовиск гребя однак
памятати о том, же оплачат ся навозити лем
сухы луку. Луку мокры, подмоклы, треба
передом осушити, бо навозы при луках за-
квашены и мокрых не дійсвуют, або дій-
ствуют слабо.

Як долго украинскы священники думают легковажити Лемков- ского Епископа?

Уж в ч. 5-том Лемка повідомили мы на-
ших читателей, што в „Епархияльном Вістни-
ку перемыской Епархии“ была поміщена
проклямація, подписана [еп. Йос. Коцылов-
ским и Ап. Адм. о. Д-ром Масцюхом, в кот-
рей повідомлят ся всіх вірных, же Лемков-
щина переходят под духовну власть Апо-
стольского Администратора. Проклямацію
тоту мали отчитати вшиткы священники
в церквах в часі богослуженя.

Зарядження того духовных властей
украинскы священники не выполнили.
Штобы мати точный перегляд опорных ду-
ховным властям священников, администрация
Лемка просит донести ей о случаях неотчи-
тания той проклямации с подаем місцевости
и назвиска священника. Список опорных
буде обявлений в Лемку, штобы людэ дові-
дали ся, якых приятелей ховают своим хлібом.

вита одного православного и одного униат-
ского священника.

Ище веце интересна друга допись подпи-
сана буквами С. П. под заглавием: „Патри-
отична работа“.

Автор С. П. деносит, же достал писмо от
кореспондента из старого краю, в котрой тот
старокраевый деписователь нарікат на старо-
краеву лемковску интеллигенцію, што она не
опозыційна, лем держит с правительством,
што веде народ до Варшавы, што не проти-
воставит ся польонизации, котру переводит
правительство через творене новых соборных
громад (волостей), што старат ся о лемков-
ского епископа, а от епископа не буде ко-
ристи для народного діла, бо всякий поп, то
головный враг селянина, а интеллигенция,
котра не иде с ножом на попа, то виновныны
народной темноты.

Дальше доносит старокраевый деписова-
тель, што религийны роздоры довели до того,
же собрание Руской Бурсы в Горлицях со-
стояло ся в присутности лем 12. членов, бо
не было православных, што собрание состояло
ся в „атмосфері интеллигентныи-патриотичного
многословия о св. Руси и тоты пару селян
што там были, так долго отерают ся около
попов и старых интеллигентов, што перебрали
от них всі найгоршии интеллигентскы недо-
статки и не могут уж вести никакой здоро-
вой народной работы“, а кончит плачевным
воскликом, што „у нас не може пойти никака
работа, бо попы и интеллигенция убивают вся-
кий культурный прогресс в народі“.

Напровадивши тоты слова старокраевого
деписователя, автор статі подписанный буква-
ми С. П. пише дальше от себе, што старо-
краевы интеллигенты позавидовали, што Лем-
косоюз и газета „Лемко“ в Америкі так
красні ся розвивают, для того и сами осно-
вали в старом краю и „Лемкосоюз“ и газету
„Лемко“, выходячу в Крыниці, но начали
вести „совсем противоположную политику. бо
начали грати польску правительственную и по-
повску политику вмѣсто лемковской народ-
ной“, но автор тому ся не дивуе „бо поли-
тичны шпекулянты часто так робят“.

Дальше С. П. гварит што „тоты людэ, кот-
ры организовали Лемкосоюз в Америкі
и котры руководят ним ныні, знали и знают,
же всяке духовенство не хоче правдивой на-
родной просвіты и не може дбати за просві-
ту, бо священнику далеко легче вести свою
религийну роботу медже некультурным на-
родом, як медже культурным. Никто против
свого интересу не иде, то не можна требо-
вати и от духовенства, штобы оно давало
правдиву просвіту народу, поднимало его
культуру, проганяло темноту и потом через
тото тратило роботу. Подобно поступат
и тоты часть интеллигенции, котра духовно
звязана со священниками и смотрит на на-
род, яко на масу, котра має служити кому
то, Лемкосоюз хоче правдивой просвіты на-
рода, а духовенство як униатске так и пра-
вославне стоить нам на перешкодѣ в той ро-
ботѣ для просвіщеня народных лемковских
мас и вот с того начинат ся борба духовен-
ства против Лемкосоюза и Лемкосоюза про-
тив духовенства“.

Переходячи до справы народного просві-
щеня пише С. П. што „робота мусит быти
прогрессивна, мусит смотріти вперед, а не
назад, на минувшу старину. В минувшині
у нас народ не был ничим, не грал никакой
историчной роли, для того в старой истории
не найдеме много приміров, котрыма можна
бы воодушевити народ. Наред можна во-

Котра работа ПАТРИОТЫЧНА.

Попал нам случайно в руки номер амер-
иканского „Лемка“ от 13 грудия 1934. выхо-
дячого в Клеветланді и там на счастье нашли
мы много интересных дописей и статей, а
интересных для того, што дотычат старого
краю, отже нас непосредно, а одночасно
выказуют, якыма дорогами пошли теперешны
руководители американского „Лемко Союза“
и якых мають деписователей из старого края.

И так в дописи из старого края под загла-
вием „Клопоты с лемковским епископом“ ди-
вуе ся америк. „Лемко“ што им, то значит

старокраевы лемки и до Варшавы слали де-
легацію, до папского нунция о утворене
окремого [лемковского епископства и обще
собрание „Руской Бурсы“ в Герлицях выслало
на руки папского визитатора [о. Гудечка ре-
золюцію в том самом ділі и гварит [от себе,
што лучше было бы послати в Варшаву де-
легацію, штобы забрано из Лемковщины всіх
попов униатских и православных, бо и в
Мексикку рішило правительство оставить од-
ного лем священника на сто тысяч жителей,
а на цілу Лемковщину выстарчило бы оста-

одушевити лем том будучом рольом, яку будут грати трудящи ся масы при новой робочой системі. А кто говорит лем о славной минувшині, о князях и царах, тот не може хотіти щиро правдивой просвіты народной, бо где сут цари и князі, там народ мусит быти рабом. Нынѣ народны трудовы масы, робочи и селяне, представляют голоу движучу силу национального жита и головну силу світовой истории, а не родова арыстократія, не духовенство и не оторвана от народных мас интеллигенція. Для того робочи масы мусят откинути поповскы фантазии и интеллигентске патриотичне пустослове, бо нынѣ лем то може быти патриотичне, што ест полезне для робочих мас, што обогащают их материяльне и духовне жите“.

Мы напровадили умышленно не лем всі головны точки тых двох дописей, но наведи дословно ціли уступы, чтобы читателі могли мати ясныи образ того, яком дорогом иде днеска тых пару людей, котры часово руководят амерыканским „Лемкосоюзом“, понеже постараме сі отвітати им если не днеска, то в слѣдующих чистах нашей газеты на каждый заміт, поднесеный против нас и нашей работы.

Дописователя старокраевого знаме добре.

Памятаме, коли вернул из школ на Лемковщину явным и ярым националистом, страшным врагом большевиков и интернационала.

Памятаме, што уж по основаню нашей газеты „Лемко“ в Крыници просил ся, чтобы его приняли до редакции той газеты, одобрял и тутешного Лемка и тутешный „Лемкосоюз“ а лем, коли в редакции нашего „Лемка“ не достал занятя, начал грозити, же начне выдавати для тутешных лемков другу газету в „прогресивном духе“ за гроши, котры буде доставати ежемісячно от америк. „Лемкосоюза“.

Выходит отже, што старокраевый дописователь, то чоловік такий, котрый всім потрафит быти, поверне ся всегда там, кади вітер подуе и кади ему лично выгодно.

Если же расходит ся о точность, то тот дописователь, котрый таж завзято нападат на попов и называт их врагами народа, жиючи в родном селі, у своего няня, ходил барв часто до місцевого священника (украинца) іл у него, пил и грал в карты.

От поры, коли не достал місца в нашем „Лемку“, а начал доставати потішаючи писма из америк. „Лемкосоюза“, стал ся большевиком и смотрит лем, где бы можна робити якуси „опозиційну роботу“.

А тотта его опозиційна работа полягала на том, што коли всі гварили, же ест день—он оден кричал, же ест ноч. Знаменательно также и того, што господин тот, хоц ест сыном селянина и жил на Лемковщині в руском селі праві два літа, ни руком не тронул яйжис народной работы в своем селі, и то так тогда, коли был „льояльным“, як также и тогда, коли стал большевиком, мимо, што в селі была читальня и народ, а особенно молодеж, прямо ждала, чтобы місцевый интелегент проявил якуси инициативу.

(Продолжене слідує).



От наших читателей.

Село Конске, повіт Березов, деканат Дынов.

Перед 40 літами настал у нас парохом О. Гр. Пержило. Штобы людей пригорнути до церкви, о. Пержило основал Братство тверезости, котре развивало ся сильно. Своими чудными проповідями и от правом в церкви допровадил он до того, што в свята и в неділі церквы была полна молячих ся и наша парохія служила для других приміром. Специально чудны проповіді выголошал в Великом Пості, котрыма так зворушувал людскы сердца, што народ часто аж плакал. Тогда знали парохіяне, што в церкви проповідало ся Слово Боже, стали добрыма и поважали священника. Настала война; о. Пержило, яко рускый, достал ся до Талергофа, вернул яко хорый и скоро умер.

По его смерти настал у нас парохом о. Іос. Крыса, котрый был своего часу телеграфистом на станции Львов—Подзамче и котрый дає парохіянам совсем инший примір и научат их иначе.

Бывший телеграфист привык щадити слова и тому скоротил Всеночне и Утреню. Людєй в церкви мало, бо дзвонят, кто коли хоче и людєй не знают, коли ити до церкви. Проповіди, если расходит ся о слова со св. Евангеля, также короткы, в стилью депеши, оперва рещта долша, але посвячена уж ділам додчесным, именно, што людєй не шануют священника, хотя он як сам Ісус Христос, што людєй ему не кланяют ся, а жидови кланяют ся и у жида на своего священника выговоряют. Часами проповідат о. Крыса и о чорті в колысці и сшиваню одежи конопляною ниткою, але найчастіше о собі, при чом нераз аж трепне рукою в св. Евангелиє, котре побожны людєй цілуют.

О. Крыса знаный ест также, яко добрый сусід. Он заборонює ходити стежкою, котра веде от віков через ціле село и переходит коло плебаниі, але не тому, чтобы расходило ся ему о кусник поля, лиш тому, бо «хлоп курит файку, а плебания ест святым місцом». Правда—он не позволят переходити также и школьным дітям, котры, идучи до школы, нераз потопают в заспах сніжных на дорозі, але то лиш певно тому, што и они, як подростут, будут курити файкы.

Со сусідами сварит ся, а часом аж и побє дакого без причины, але сейчас потом вітче на плебанию и засуват за собою двери, чтобы не допустити до гріха и образы Божой.

Штобы хлоп не розгулял ся и чтобы жил скромно, бере о. Крыса за церковны требы, килько лиш може с того несчастного хлопа, бо торго, ани борганіт. Если хлоп не має грошей, посылает его о. Крыса до жида, а сам о собі говорит, што он горший, як

жил. Перед вінчанєм учит нераз терпелivosti, бо вірит в слова. «Терпен—спасені» и каже по 2—3 годин ждати на морозі, бо молодой не має всіх грошей. При том часто бывають и сварні со священником, когдому выпоминают капусту, брану от батька молодого, але то без злости, лиш так, для розгрітја ся и чтобы час скорше проходил.


Не все однак проповіді бывають короткы. От недавно выповіл о. Крыса будучу проповідь на похороні одной селянky-старухы понад 80 літ. Правда проповідь выголосил аж в неділю по похороні, бо в самом похороні не брал участи, бо покропил лиш тіло за 5 зл., але за то в неділю, як не начне выхвзляти так покойну, як и хлопа, котрый не хотіл дати больше за похорон, то аж мило было послухати. Там были змішаны и чорты и людєй и померши и живы. Достало ся там и бідной вдовиці, котрой муж помер, оставляючи 4-ро малых сирот и котра при згоді посміла штось ему отповісти. Наговорил тилько, што старчит на долгый час.

И за то все людєй не шануют его и не кланяют ся ему. Людєй—правда—говорят, што давнійше все поздоравлиали его словами «Слава Ісусу Христу», але о Крыса,—смиранный раб Божий, опустил голову в землю и размысляючи о «нищете всяческой» не отповідал и людєй перестали кланятися. Тепер знов о. Крыса утікає перед людьми и коває ся, чтобы с ними не встрітити ся.

Наш о. Крыса любит и просвіту, але таку правдиву, котра называє ся „Просвіта“, але не любит штось нашей читальні им. М. Качковского, бо коли наша молодеж забавила ся по открытію той читальні, то на другой день назвал ю в церкви: «читальня темноты» а молодеж малпами. Сам однак любит забавити ся, але то што иншого, бо то украинскы забавы.

Хотіли бы мы ище на одно звернути увагу о. Крысы, а именно: може то не аыпадає пасти коло церкви гусей и коров, бо людєй при обході не маюг где клкнути. А може также не выпадає, чтобы священник в великы свята и неділі позволял у себе косити коничину, выкидати коноплі со ставу, печи хліб, робити масло и подлогы мыти? Нас дивує лиш одно, што о том всем знає дыновскый декан и ничего не робит, а може не може? Были в наших сторонах священники, котры мали с селянками нелегалны діти и помимо того сут дальше священниками. Чи так долго буде, не знаємо, може поправит ся, бо навет сам Іуда, коли продал Христа, то гроши звернул, а сам чи с грызоты, чи со астыда, повисил ся.

Парохіянини.



Пренумерайте и читайте „ЛЕМКО“

знижена пренумерата—лем 3 зл. рочно! Лемко выходит каждого тыждня и дає відомости с цілого світа.

Вписуйте ся в члены Лемко-Союза!

Членска вкладка 2 зл. рочно.—В случаю несчастья, а именно: 1) коли упаде членови конь, або корова—доставе каждый член 50 зл. запомогы 2) в случаю смерти члена доставе его родина 70 зл. запомогы.

Гроши присылати: „Лемко“ Крыница.